

ՀԱՅԿԱԿԱՆ ԳՐԱԴԱՐԱՆՆԵՐԻ ՄԻՋԱԶԳԱՅԻՆ ԵՐՐՈՐԴ ՀԱՄԱԺՈՂՈՎԻ ԲԱՆԱԶԵՎ

2014 թ. հոկտեմբերի 6-7-ը Մայր Աթոռ Սուրբ Էջմիածնի և ՀՀ մշակույթի նախարարության նախաձեռնությամբ կազմակերպվեց և անցկացվեց «Անցյալի պահպանություն՝ հանուն ապագայի» հայկական գրադարանների միջազգային երրորդ համաժողովը: Երկօրյա համաժողովի մասնակիցները ձևավորեցին գործադիր մարմին հետևյալ կազմով.

1. Գեճանեան	Հայր Պողոս Վրդ.	Վիեննայի մենաստանի տեղական աբբահայր:
2. Զարգարյան	Տիգրան	Հայաստանի ազգային գրադարանի տնօրեն:
3. Կազազյան	Հայր Նորայր Վրդ.	Երուսաղեմի Հայոց Պատրիարքություն, Գալուստ Գյուլպենկյան մատենադարանի տնօրեն:
4. Ղազարյան	Դավիթ	Մատենադարան-Մ. Մաշտոցի անվան հին ձեռագրերի գիտահերազոտական ինստիտուտի գիտաշխատող, Ձեռագրատան ֆոնդապահ:
5. Մինասյան	Կարապետ	ՀՀ ԳԱԱ Հիմնարար գիտական գրադարանի տնօրեն:
6. Միրզոյան	Եզնիկ	ԵՊՀ գրադարանի տնօրեն:
7. Պողոսյան	Տեր Արարատ քահանա	Մայր Աթոռ Սուրբ Էջմիածնի «Վաչե և Թամար Մանուկյան» մատենադարանի տնօրեն:
8. Սիսիլյան	Սոնյա	Բեյրութ, Հայկազյան համալսարանի գրադարանի տնօրեն:
9. Տոնանեան	Հայր Մովսես Վրդ.	Զմմառի Փոխյալ Սրբո Կուսի Վանքի քարտուղար, գրադարանապետ, թանգարանապետ և լուսարար:
10 Փանոսյան	Տիրայր արքեպիսկոպոս	Անթիլիաս, Մեծի Տանն Կիլիկիո Կաթողիկոսության մատենադարանի տեսուչ:
11 Փեհիվանյան	Մելինե	Բեռլինի պետական գրադարան, Արևելքի բաժնի պատասխանատու:
12 Օհանեան	Հայր Վահան Վրդ.	Վենետիկի Մխիթարյան միաբանության Մատենադարանի տնօրեն:

Համաժողովն արձանագրեց դրական տեղաշարժերը, որ տեղի են ունեցել հայկական գրադարանների առաջին և երկրորդ համաժողովներից հետո: Արձանագրեց, որ մատենագիտական շտեմարանների ձևավորման և գրադարանային հավաքածուների թվայնացման ուղղությամբ կատարվել են զգալի աշխատանքներ: Ձևավորվել են.

- ա. հայերեն հնատիպ գրքի համահավաք շտեմարանը,
- բ. Հայաստանի գրադարանների համահավաք էլեկտրոնային գրացուցակը,
- գ. հայագիտական հետազոտությունների գիտատեղեկատվական հանգույցը,

դ. հայ մամուլի համահավաք գրացուցակը:

Դրանք առ 2014թ. հոկտեմբերի 1-ը պարունակում են. «Հայաստանի գրադարանների համահավաք գրացուցակը» 800.000-ից ավելի մատենագիտական գրառում և իսկ «Հայկական ժառանգության էլեկտրոնային շտեմարանները» 1,600.000-ից ավելի թվայնացված էջ (գիրք՝ 842,857 էջ, թերթ՝ 73,432 էջ, հանդես՝ 691,971 էջ) /գիտատեղեկատվական հանգույցը առ 2012 թ. հոկտեմբերի 1-ը պարունակում էր մոտ 500.000 թվայնացված էջ/:

Թվայնացված նյութերը հասանելի են **www.nla.am** և **www.flib.sci.am** կայքերում:

Գրադարանային գործի առաջընթացն ապահովելու, ժամանակակից մարտահրավերների պայմաններում գրադարանների աշխատանքն առավել արդյունավետ դարձնելու նպատակով համաժողովը

Ո Ր Ո Շ Ե Ց

1. Հայկական գրադարանների չորրորդ համաժողովը հրավիրել 2016 թվականին, Թարգմանչաց տոնին:
2. Հայաստանի ազգային գրադարանին հանձնարարել շարունակել հայագիտական կենտրոնների էլեկտրոնային գրանցահամակարգը շահագործելը, որտեղ կգրանցվեն Հայաստանի Հանրապետության և արտերկրի հայկական գրադարաններն ու հայագիտական հաստատությունները:
3. Համաժողովի մասնակիցներին հորդորել գրանցվել հայագիտական կենտրոնների համակարգում, որը հասանելի է <http://www.nla.am/eng/?q=contact> հասցեից:
4. Սփյուռքի գրադարանների պատասխանատուների մասնագիտական մակարդակը բարձրացնելու նպատակով շարունակել Հայաստանի ազգային գրադարանում վերապատրաստման դաշնթացների անցկացումը:
5. ՀՀ կառավարության հատուկ ուշադրությունը հրավիրել Սփյուռքում առկա և ազգային մտավոր ժառանգության մաս կազմող վտանգված, լքյալ, անուշադրության մատնված հավաքածուների և գրադարանների վրա:
6. Անհրաժեշտության դեպքում Հայաստանի ազգային գրադարանից համապատասխան մասնագետներ գործուղել Սփյուռքի գրադարաններ՝ տեղերում մեթոդական օգնություն ցուցաբերելու համար:
7. Խթանել ՀՀ և Սփյուռքի գրադարանների միջև գրքափոխանակության աշխուժացումը՝ դրանում կարևորելով ինչպես ՀՀ մշակույթի, սփյուռքի, արտաքին գործերի նախարարությունների պատասխանատուների, այնպես էլ կրոնական կառույցների՝ Հայ Առաքելական Սուրբ Եկեղեցու, Հայ Կաթողիկե եկեղեցու և Հայ Ավետարանական եկեղեցու շահագրգիռ մասնակցությունը:
8. Դիմել ՀՀ մշակույթի նախարարությանը՝ ֆինանսավորելու արտերկրի գրադարաններին և հաստատություններին՝ հնատիպ ու հազվագյուտ գրքերի և պարբերական մամուլի թվայնացման գործընթացը տեղերում

կազմակերպելու:

9. Հայաստանի ազգային գրադարանին հանձնարարել ապահովել հայ հնատիպ գրքի և հայ պարբերական մամուլի համահավաք շտեմարանների ձևավորման և հանրայնացման աշխատանքները:
10. Հայագիտական հանդեսներին ուղարկել հաղորդագրություն, որում կներկայացվի հայագիտական հետազոտությունների գիտատեղեկատվական հանգույցը, այնտեղ ամբարված շտեմարանների հակիրճ նկարագրություններով: Գլխավոր խմբագիրներին առաջարկել այդ հաղորդարությունները տպագրել հանդեսների վերջին էջերում:
11. Սկսել նախապատրաստական աշխատանքներ, «Հայ մամուլի վերլուծական հոդվածների» շտեմարանի ձևավորման ուղղությամբ:
12. Շարունակել գրքավոխանակության աշխատանքները հայագիտական կենտրոնների և Հայաստանի ազգային գրադարանի միջև:
13. Հանձնարարել Հայաստանի ազգային գրադարանին ձևավորելու Հայոց ցեղասպանությանը վերաբերվող գրականության հնարավորինս լրիվ հավաքածու:
14. Մասնակից հաստատություններին հանձնարարել մշակել հայերեն Աստվածաշնչի առաջին տպագրության 350-ամյակն ընդառաջ միջոցառումների հստակ ծրագիր՝ 2016 թ. իրենց կառույցներում այս նշանակալից իրադարձության հանրահռչակման նպատակով:
15. Սոցիալական ցանցերում տեսանելի դարձնել համաժողովի աշխատանքները:

**ՀԱՅԿԱԿԱՆ ԳՐԱԴԱՐԱՆՆԵՐԻ ՄԻԶԱԶԳԱՅԻՆ
ԵՐՐՈՐԴ ՀԱՄԱԺՈՂՈՎԻ ՄԱՍՆԱԿԻՑՆԵՐ**